

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO/TUŽITELJSTVO
ZENIČKO-DOBOJSKOG KANTONA
Broj: 06/03-30-8-04-151/25
Zenica, 29.07.2025. godine

Na osnovu člana 23. Zakona o namještenicima u organima državne službe u Federaciji Bosne i Hercegovine („Službene novine FBiH“, broj: 49/05 i 103/21), člana 6. i 30. Zakona o Kantonalnom tužilaštvu Zeničko-dobojskog kantona („Službene novine Zeničko-dobojskog kantona broj: 05/03 i 11/07) i člana 22. Pravilnika o unutrašnjem poslovanju, organizaciji i sistematizaciji radnih mjesta u Kantonalnom tužilaštvu Zeničko-dobojskog kantona, Glavni tužitelj
o b j a v l j u j e

JAVNI OGLAS

za popunu upražnjenih radnih mjesta namještenika
u Kantonalnom tužilaštvu Zeničko-dobojskog kantona

I Radna mjesta:

- 1. Viši referent unutrašnjeg osiguranja i održavanja objekta-domar.....1 (jedan)**
izvršilac na neodređeno vrijeme
- 2. Radnik na održavanju čistoće2 (dva)**
izvršioca na neodređeno vrijeme

II Opis poslova:

Radno mjesto 1. - Viši referent unutrašnjeg osiguranja i održavanja objekta-domar

- Zadužen je i odgovoran za održavanje svih sigurnosnih sistema, uređaja i aparata, te osigurava ispravnosti svih instalacija unutar zgrade Tužilaštva;
- Zadužen je i odgovoran za redovno održavanje svih uređaja, opreme, namještaja, stolarije i dr. u zgradi Tužilaštva i potrebne popravke istih bez odlaganja;
- Zadužen je i odgovoran za nadzor i upravljanje sistema dojava požara u objektu, sistema za gašenje u arhivi objekta, sistema dojava provale u objektu, te video nadzor objekta u koordinaciji sa drugim zaduženim licima;
- Zadužen je i odgovoran za pravovremeno, propisno i precizno postupanje u slučaju aktiviranja dojavnih uređaja i sistema za gašenje u skladu sa propisanom procedurom;
- Obavlja poslove zaštite na radu, protivpožarne zaštite i svake druge vrste zaštite od poplava i drugih, nepogoda u zgradi Tužilaštva, te adekvatno postupanje u takvim situacijama u cilju adekvatne zaštite prostorija, opreme, uređaja, inventara, instalacija, predmeta i spisa u zgradi Tužilaštva;
- Zadužen je za svakodnevno rukovanje, upravljanje i održavanje sistema centralnog zagrijavanja i hlađenja prostorija u zgradi, te svih sistema ventilacije u zgradi Tužilaštva;
- Stara se o ispravnosti i redovnom održavanju dizala u zgradi, te koordinira u slučaju kvara dizala i potrebe spašavanja osoba u dizalu, u skladu sa propisanom procedurom;
- Zadužen je za svakodnevno rukovanje, upravljanje i održavanje sistema elektro sobe, elektro instalacija uključujući rukovanje, upravljanje i održavanje Agregata i uređaja za besprekidno napajanje zgrade Tužilaštva u koordinaciji sa drugim zaduženim licima;

- Nadzire obavljanje poslova referenta unutrašnjeg osiguranja-vatrogasac-domar;
- Obavlja i druge poslove po nalogu stručnog savjetnika za IKT I IS;
- iz segmenta održavanja zgrade, uključujući premještanje namještaja i opreme;
- U okviru poslova koje obavlja, obavezan je da postupa prema pravilima propisanim Politikom sigurnosti pravosudnog informacionog sistema BiH;
- Obavlja poslove po nalogu sekretara i glavnog tužioca

Radno mjesto 2. – Radnik na održavanju čistoće

- Vršiti svakodnevno čišćenje svih prostorija, namještaja i inventara u zgradi Tužilaštva;
- Vršiti čišćenje hodnika, prozora i vrata, održavanje sanitarnih čvorova, te čišćenje prostora na parkingu i ispred ulaza u zgradu Tužilaštva;
- Blagovremeno obavještava sekretara Tužilaštva o kvarovima i neispravnim instalacijama u zgradi Tužilaštva i kvarovima na sredstvima koje koristi u radu;
- U okviru poslova koje obavlja, obavezan je da postupa prema pravilima propisanim Politikom sigurnosti pravosudnog informacionog sistema BiH;
- Obavlja i druge poslove po nalogu glavnog tužioca i sekretara Tužilaštva.

III Uslovi za obavljanje poslova:

Opći uslovi:

Kandidati moraju ispunjavati opće uslove propisane Zakonom o namještenicima u organima državne službe u Federaciji Bosne i Hercegovine:

- da su državljani Bosne i Hercegovine;
- da su stariji od 18 godina;
- da imaju opću zdravstvenu sposobnost za obavljanje poslova radnog mjesta;
- da imaju vrstu i stepen školske spremu potrebnu za obavljanje poslova radnog mjesta prema Pravilniku o unutrašnjoj organizaciji organa državne službe;
- da u posljednje dvije godine od dana objavljivanja javnog oglasa nisu otpušteni iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini;
- da nisu obuhvaćeni odredbom člana IX stav 1. Ustava Bosne i Hercegovine.

Posebni uslovi:

Pored općih uslova navedenih u Javnom oglasu kandidati moraju ispunjavati i sljedeće posebne uslove i to:

Posebni uslovi za obavljanje poslova radnog mjesta pod rednim brojem 1. :

- SSS, IV stepen stručne spremu, škola tehničkog smjera,
- najmanje 10 (deset) mjeseci radnog staža,
- poželjno posjedovanje odgovarajućeg sertifikata/potvrde o dodatnom usavršavanju ili praktičnoj obuci za poslove unutrašnjeg održavanja,
- poželjan položen ispit za protivpožarnu zaštitu

Posebni uslovi za obavljanje poslova radnog mjesta pod rednim brojem 2.:

NSS - osnovna škola

IV Prijavljivanje-potrebni dokumenti:

Uz prijavu na Javni oglas potrebno je priložiti slijedeću dokumentaciju (original ili ovjerenu kopiju):

- Dokaz o završenoj školskoj spremi koja se traži posebnim uslovima -za oba radna mjesta;
- Izvod iz matične knjige rođenih – za oba radna mjesta;
- Uvjerenje o državljanstvu (ne starije od 6 mjeseci) – za oba radna mjesta;
- Dokaz o radnom stažu odgovarajuće stručne spreme (Uvjerenje ili Potvrda poslodavca u čijem sadržaju je naveden: naziv radnog mjesta na koje je kandidat raspoređen, stručna sprema koja se traži za to radno mjesto, precizan period ostvarenog radnog staža kandidata, odnosno pripravničkog staža ili staža ostvarenog kroz stručno osposobljavanje bez zasnivanja radnog odnosa obavljenog u skladu sa Zakonom, ili Uvjerenje o činjenicama iz matične evidencije nadležne institucije za PIO/MIO ili Uvjerenje nadležne Porezne uprave, ovjereno pečatom i potpisom, sa naznačenim stepenom školske spreme u kojoj je staž ostvaren) - za radno mjesto pod rednim brojem 1.;
- Ovjerenu izjavu kandidata da u posljednje dvije godine nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini- za oba radna mjesta;
- Ovjerenu izjavu kandidata da nije obuhvaćen odredbom člana IX 1. Ustava BiH- za oba radna mjesta.

Napomene:

Kandidati za radno mjesto pod rednim brojem 1. koji posjeduju certifikat/potvrdu o dodatnom usavršavanju ili praktičnoj obuci za poslove unutrašnjeg održavanja i ispitu protivpožarne zaštite potrebno je da dostave dokaz o navedenom (original ili ovjerena fotokopija).

Kandidati koji budu ispunjavali uvjete oglasa će biti pozvani na intervju, o čemu će biti blagovremeno obaviješteni.

Izabrani kandidati biti će obavezni dostaviti uvjerenje o općoj zdravstvenoj sposobnosti za obavljanje poslova radnog mjesta na koje su primljeni, kao i uvjerenje da se protiv kandidata ne vodi krivični postupak.

Oglas ostaje otvoren 15 dana od dana objavljivanja u sredstvima javnog informisanja.

Nepotpune i neblagovremene prijave neće se uzeti u razmatranje.

Uz prijave slati isključivo dokumentaciju koja se traži Javnim oglasom!

Prijave sa dokazima o ispunjavanju uvjeta iz Javnog oglasa, dostaviti lično ili putem pošte na adresu:

**Kantonalno tužilaštvo Zeničko-dobojskog kantona
ul. Trg BiH bb, Zenica,**

Sa naznakom „za Javni oglas-za radno mjesto pod rednim brojem 1 ili 2“



GLAVNI TUŽITELJ
Vesna Kaknjo